

## SCRIPT OF EVENING GOJRI NEWS BULLETIN 3 SEP 1700HRS

ایوننگ گوجری نیوز بولیٹن 3 ستمبر 2025

\*\*\*\*\*

یوہ اکاشوانی جموں بے عبدالرحمان تے نصرت تیں خبر سنو۔

\*\*\*\*\*

### HEADLINES

\*مرکزی وزیر اشونی ویشنو نے کہیو بے جے ایس سی ایل موبالی مانہ چل ربیا بھارت غا چپ ڈیزائن انقلاب مانہ ٹی ٹی ٹی جموں غا طالب علم کامیاب شمولیت کرربیا ہیں۔

\* وزیر اعلیٰ عمر عبداللہ نوین دلی مانہ اج تیں شروع ہوئی دو روزہ 56 ویں جی ایس ٹی کونسل میتنگ مانہ شرکت کرربی ہیں۔

\* وزیر اعلیٰ عمر عبداللہ نے پورا جموں کشمیر مانہ لگاتار پاری بارشاں سنگ پیدہ ہوئی صورتحال غو ایک اعلیٰ سطحی میتنگ غی سدارت کرتا واں جائیزو لیو بے وزراع نے وزیر اعلیٰ نانہ صورتحال بارے واقف کرایو۔

\* راجوری ضلع غا سندرن بنی علاقہ مانہ پاری بارشاں غی وجہ سنگ ایک مکان غی دیوار تہ جان سنگ 2 افراد غی موت ہوگئی بے۔

\* شمالی ریلوے غی طرفوں مسافراں غا سان سفر غی غی خاطر جموں تے کترہ غے بشکار اہم ریل خدمات نانہ بحال کیو گیو بے۔

\*\*\*\*\*

### IIT JAMMU VAISHNAV

اختراع نانہ بدھا وو دین واسطے ایک برا قدم غا طور ور ای ای ٹی جموں گا طلبہ ہن بھارت غی سیمی کنڈکٹر انقلابی مہم مانہ اہم کردار ادا کرربیا ہیں ایک قومی پہل غے تحت جموں غا نوجوان جدت کار گجرات میگالیا تے تامل ناڈو غا اپنا ساتھیان غے نال سیمی کنڈکٹر چیس ڈیزائن کرربیا ہیں جہڑی ہن ایس سی ایل موبالی مانہ تیار ہو رہی بے مرکزی وزیر اشونی ویشنو نے یاہ اطلاع دتی تے پورا بھارت غا طلبہ غی اس شاندار کارکردگی غی تعریف کی۔ یاہ جموں غا نوجواناں واسطے ایک اہم کامیابی بے جہڑی چیس ڈیزائن تے ایلٹرانکس مانہ نوی راہ کھول رہی بے ت خطہ نانہ بھارت غا بدھتاوا تکنیکی مرکز غا طور ور اُبھار رہی بے مرکزی وزیر اشونی ویشنو نے مزید اس بارے اس طرح کہیو۔

\*\*\*\*\*

## CM GST MEETING

وزیر اعلیٰ عمر عبداللہ جی ایس ٹی کونسل غی 56 ویں میٹنگ مانہہ شرکت کر رہیا ہیں جہڑی مرکزی وزیر خزانہ نرملا سیٹھا رمن غی صدارت مانہہ اج نویں دلی مانہہ شروع ہوئی ہے 2 دنن تک چلن لیاں میٹنگ غے دوران جی ایس ٹی مانہہ اگلی ایس ٹی عمل وری نانہہ سان بنان بارے گور کی وجے غو جموں کشمیر غی شمولیت اس میٹنگ مانہہ اس گل نانہہ یقینی بناوے جے اس خطہ غا اقتصادی مفادات غی قومی پالیسی سازی مانہہ نمائندگی وے اس جی ایس ٹی کونسل غی میٹنگ مانہہ خزانہ بارے مرکزی وزیر مملکت پنچ چوہدری دلی گووہ ہریانہ تے بہت ساری دوجی ریاستن گا ورزا اعلیٰ وی شرکت کر رہی ہیں جن غے علاوہ بہت ساری ریاستن تے مرکزی زیر انتظام علاقن غا نائیب وزرا اعلیٰ تے وزرا خزانہ وی اس میٹنگ مانہہ شمولیت کر رہیا ہیں۔

\*\*\*\*\*

## CM SITUATION

وزیر اعلیٰ عمر عبداللہ نے اج ایل اعلیٰ سطحی مہٹنگ غی صدارت کرتا واں پوری جموں کشمیر مانہہ لگاتار پاری بارشاں غی وجہ سنگ پیدہ ہوئی صورتحال غو جائیزولی وے انہاں نے عہدے داران نانہہ ہدایت دتی ہے جے وے زمینی سطح ورا امداد تے بھالی کاروائیاں مانہہ تیزی نیں جن علاقن مانہہ پانی پر چکو ہے اتوں لوکان نانہہ دوجی جگہ لیجاویو جے ضروری خدمات غا تحفظ غے نال نال متاثرہ علاقن مانہہ بچانو ت امداد کاروائیاں نانہہ ویلے سر یقنی بنایو جے وزرا جاوید رانا تے ستیش شرمائے جموں مانہہ صورتحال بارے وزیر اعلیٰ نانہہ وقف کرایو جد کہ قابینہ وزیر محترمہ سکینہ اتو تے وزیر اعلیٰ غا مشیر ناصر اسلم وانی نے کشمیر مانہہ سیلابی صورتحال بارے تازہ جانکاری دتی وزیر اعلیٰ نے لوکان ورا زور دتو ہے جے وے سرکار غی طرفوں جاری ہدایات ورا عمل کریں حساس علاقن مانہہ جان تیں پرہیز کریں تے محفوظ رہیں کیونجے انتظامیہ لگاتار پہاری بارشاں غی وجہ سنگ پیدہ ہوئی پریشانیاں نانہہ دور کرن بارے کم کر رہی ہے۔

\*\*\*\*\*

## ITOO FLOODS

صحت تے تعلیم غی وزیر محترمہ سکینہ اتو نے وزیر اعلیٰ گا صلاحکار ناصر اسلم وانی غے ہمراہ رام باغ مانہہ واقع اپپاشی تے سیلاب کنٹرول روم غو دورو کر غے سیلابی صورتحال گو جائیزولیو انہاں نے پانی غی سطح غ و معاینو کیو تے ہنگامی صورتحال سنگ نمڑن بارے تیاری اقدامات گو جائیزولیو لیتا واں عہدے داران نانہہ ہدایت دتی جے وے عین وق ورا الرٹ

جاری کریں تے حساس علاقیاں تیں لوکاں غی فوری منتقلی و بچائو کاروئیاں نانہہ یقینی بناویں وزیر موصوف نے متعلقہ عہدیداراں نانہہ جہلم غے کنڈے 24 گھنٹاں چکنا تے نگران ربن بارے زور دتو افسراں نانہہ کہیو گیو بے جے وے پس مانہہ نزدیکی نال میل سنگ کم کریں وزیر موصوفہ تے وزیر اعلیٰ غا مشیر نے عوامی تحفظ بارے پورا حکومتی تعاون و مدد غو یقین دوايو تے شہریاں نانہہ اپیل کی بے جے وے پُر سکون رہیں تے حکومتی ہدایات ور عمل کریں۔

\*\*\*\*\*

## MANWA SAGY

منوا پنچانیت بہدرواہ ضلع ڈوڈھ غی پہلی خاتون سرپنچ شگفتہ بانو نے گراں کھالو نانہہ نمایاں ترقی دے غے ایک مچالی گراں بنايو بے سندس درس گرام یوجنہ غے تحت انہاں نے کھالو نانہہ خطہ گا سب تیں ترقی یافتہ پہاڑی گراں مانہہ تبدیل کیو بے مرکزی وزیر ڈاکٹر جتندر سنگھ نئی ان غی کوششاں نانہہ سرابتاں واں کہیو کہ خواتین غی قیادت مانہہ چلن لا منصوباں گراں غی ترقی مانہہ اہم کردار ادا کریں۔ اس بارے مزید گل کرتا واں شگفتہ بانو نے اس طرح کہیو۔

\*\*\*\*\*

## RAINS HAVOC

جموں کشمیر مانہہ لگاتار تیز بارشاں سنگ مچ تبابی ہونی بے راجوری غا سندر بنی مانہہ بارش غی وجہ تیں ایک مکان غی دیوار ٹہ گئی جس تیں ایکماں تے بیٹی غی جاں چلی گئی۔ نانیب وزیر اعلیٰ سریندر چودھری نے اس حادثہ ور گہرہ ڈکھ غو اظہار کرتا واں لواحقین تیں تعزیت کی جموں شہر غا پکاڈنگا مانہہ کالی جنی محلہ مانہہ ایک پُرانو مکان ٹہہ جان تیں بعد ترے افراد نانہہ سلامتی سنگ باہر کڈیو گیو۔ ریاسی مانہہ مٹی کھسکن تے پاری بارشاں گی وجہ تیں رابطہ مانہہ کلل پیو بے تے سڑک بُری طرہ متاثر ہوئی بے۔ اج ماتا ویشنو دیوی یاترا مسلسل 9 ویں تہاڑے وی روکی گئی بے تے بیہم گڑھ قلعہ غے س پاس متی کھسکن غی وجہ تیں انتظامیہ نے عارضی طورور سیاحاں غا داخلہ ورورک لائی بے۔

\*\*\*\*\*

## NORTHERN RAILWAYS

شمالی ریلوے نے اعلان کیو بے کہ مسافراں غی سہولت واسطے کئی ریل سروس دوبارہ تیں شروع کی جارہی ہیں تاکہ جموں تے ماتا ویشنو دیوی کٹر اگے بشکار پھسیہ واہ مسافر اپنا سفر نناہہ جاری رکھ سکیں دو سٹل خدمات پہلاں تیں ہی چل رہی بے نال ہی جموں تیں کولکاتا جان لی ریل 13152 تے کترا تیں نوی دہلی در جان لی ریل 12446 وی چل رہی بے 6

ستمبر تیں سوراچ گروپ غی ریل جن غا نمبر ہیں 12472، 12476، 12474 تے 12478 دوبارہ تیں جاری ہوجیں غی 7۔ ستمبر تیں جموں تیں اجمیر جان لی ریل 12414 تے کٹرا تیں نوی دہلی جان لی ریل 222478 بحال ہوجیں غی 8 ستمبر تیں ریل نمبر 16032 16318 تے 16788 وی شروع ہوجیں غی مسافر تازہ معلومات واسطے این ٹی ای ایس ایپ یا 139 ور کال کرسکیں۔

\*\*\*\*\*

## TRAFFIC RUMORS

عوامی خدشات نانہہ مدنظر رکھتا واں ایس ایس پی ٹریفک جموں فاروق کیسر نے اج موجودہ مدرفت بارے صورتحال غی وضاحت کی انہاں نے کہیو کہ بھگوتی نگر پُل حفاظتی وجوہات غی بناور بند ہے تے اس گو مسلسل جائزولیو جارہی وے پھیلیتی افواہاں ور رد عمل دیتا واں انہاں نے توی پُل غا بند ہون غی خبر نانہہ مسترد کیوتے کہیو ایسو کئی وی قدم نی چایو گیو انہاں نے مزید کہیو کہ نکئی توی توں بھگوتی نگر در ن لی گڈیاننانہہ دوجی طرف موڈیو جارہیوہے عوام تیں اپیل کی گئی ہے کہ درست معلومات واسطے صرف سرکاری خبرانور یقین کریں اس بارے جموں گا ایس ایس پی ٹریفک فاروق کیسر نے اس طرح کہیو۔

\*\*\*\*\*

## WEATHER

26 اگست تیں مسلسل پاری بارشاں گو سلسلو جموں غا مختلف علاقاں مانہہ جاری ہے اس غی وجہ تیں پانی جمع ہو گیو ہے جس غی وجہ تیں مدرفت مانہہ پریشنانی رہی تے روزانہ سفر کرن لاں نانہہ مصیبت غو سامنو کرنو پہ رہیو ہے خراب موسم غے باعث اج پورا جموں کشمیر مانہہ تمام سرکاری تے نجی سکول بند رہیا تے ہون لا تما امتحانات وی ملتوی کردتا گیا ہیں اونگا جموں سرینگر قومی شاہراہ ٹریفک غا نقل و حمل واسطے اج لگاتار بند رہیو تاکہ مسافراں غی حفاظت نانہہ یقینی بنايو جاسکے۔ کیونجے شاہراہ غا مختلف مقامات ور مٹی کھسکن، تے پتھر پین گا واقعات پیش یا ہیں۔

\*\*\*\*\*

## PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں

تیں  
50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا  
صحافت غا شعبہ  
مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر  
کیو گیو ہے۔  
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ  
تجربو وی  
ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے  
ضلع صدر دفتر  
جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ  
کاپی  
ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہ بزات خود آئیندہ  
14 ستمبر 2025 توڑی دے سکیں۔ اس بارے مزید جانکاری ویب سائٹ  
[www.newsonair.gov.in](http://www.newsonair.gov.in)  
ور دستیاب ہے۔

\*\*\*\*\*